

1560

*Philippus
Mocenicus
regni Cy-
prii Anti-
stes electus.
Andreas
Bolduus
Mocenico
ad Allo-
brogem
orator.*

Barbadicum, Hieronymum Trivisanum viros sacratos; Philippum Mocenicum, ad Allobrogum Ducem legatum designatum, Patres nuncupavere: ex his Mocenicum, morum integritate, atque egregia doctrina præstantem, Pontifex delegit; cui Andreas Bolduus orator ad Sabaudum est susceptus.

Verum ea tempestate cunctorum oculi ad Galliae regnum obvertebantur, quod Henrici fortissimi, ac prudentissimi Regis excessu ad Franciscum impuberem, ac feminam pervenerat, in eamque rerum conditionem inciderat, ut, externis licet bellorum turbinibus discussis, in dies magis intestinis morbis vexaretur, ac variis exagitatum affectibus, haud parum pristini roboris amitteret, gliscentibus religionis diffidiis, atque in complurium animis novarum rerum studiis, vel ad privatas augendas fortunas, vel ad conterendos adversarios, assurgentibus, quæ jam tum a Francisci magni exorta temporibus, paulatim se se extulerant; dum continentibus bellis distento, atque cum Germanis foedere juncto, ex illius gentis primoribus multi Luteriam, atque alia Galliae loca frequentarent, qui cum a recto priscae religionis instituto deflexissent, pravo exemplo, veluti tabifico attractu, Gallos plerisque affecerant. Inde per libellos novae doctrinae virus diffusum, plebem libertatis lenocinio pellexerat; proceribus novarum rerum cupidine inflammatis stimulos, ac faces addiderat: cum præsertim Antistites, crediti sibi curandarum animarum muneris prorsus obliti, & in Regum aulis vitam traducere soliti, immensas reddituum ecclesiasticorum opes exhaurirent; non iis, qui doctrina, morum integritate, ac religione præstarent, sed qui regni negotia obirent, sacrae dignitates præmii loco tribuerentur; egregiaeque mercedis fructus nonnunquam foedo exemplo ad pueros, feminasque manaret. Resolutis proinde ecclesiasticae disciplinae nervis, atque doctrinae, ac pietatis aggere comminuto, haud difficile fuit, homines, in vetitum semper nitentes, atque semel laxatis habenis, in omne impudentiae genus proclives, a veritatis semita aberrare. Tot malorum cumulo Franciscus Rex, catholicae religionis observantissimus, obviam ire conatus est; gravissimis poenis novatores coercuit; severe in fontes animadvertit. Verum quæ stirpitus morbum evellerent, nulla idonea fatis remedia

*Francisci
Regis sedu-
litas in reli-
gionis nova-
toribus ple-
stendis.*

in-